

淳縣志

乾隆二十二年春鑄

寧興縣志

本衙藏板

代屬崞縣去州南六十里其地為省
會邊塞往來之衝使令郵傳輪蹄以
緹財賦訟獄視他邑獨繁令于此在
奔命疲于外吏治勞于內早夜操擋
不遑求以綜覽典故退食著書蓋基
難哉山陰萊峰邵君以幹濟才宰是
邑庶事咸理嘗慨然於志乘之久缺

叙

乃於政治之暇搜討稽考起而修之
卷帙終身用質於余之惟君為是志
詳明精覈紀叙備有史法而凡大綱
細目之百姓利病之故無不即若列
眉後來為政在議事以制事由舊章
觀覽焉而資之以從政而後乃可宜
民善俗君之澤流于崞在國無窮盡

哉余與君三年之事君之治狀已編
重於上官謂賢能之宰勿使一方偏
受其福特疏調鳳臺而邑志遠告成
事夫以他人固外交瘁之地君乃得
以其力從容著述俾百數年所未備
在釐然具載於冊且會當謝事於倦
倦於此務有成書則君之有造地方

叙

二

而平日為政不誠有餘裕也耶君其
行矣後之修志者讓其事而為諸官
蹟與注首名賢先後濟美輝映簡策
上復何讓余忝牧茲土剖簡屬尊
有光焉是為叙

賜逸士出身奉直大夫前兵部堂主
事加三級知山西直隸代州事紀

録五次書敏



叙

歲乙亥余攝五臺篆接壤崞邑常以
公事往來原平橫道間邑鎮也周覽
風景宛然在目時萊峰為宰斯土治
狀甚著余心慕之越明年秋七月萊
峯移調鳳臺崞令缺

臺使疏請余蒞焉九月既望始來受
代萊峯臨去出所成邑志八卷授余
叙

蓋初脫稿而未刻者也其纂脩條理
紀載本末自序中詳言之余惟志之
為事非徒文具而已江文通曰脩史
莫難於志良以都邑之簿山川之記
人情風土之錄皆繫於斯簡則有遺
繁則易雜事不核而悞辭不鍊而文
即晉乘之脩也獨美董狐千古而下

其誰繼哉萊峯此書義類詳明體裁
精當仿之古作者復何多讓蓋其以
經世鴻才為石城令長優悠布政澤
徧蒼黎著述特屬餘技顧恭稽載筆
三月成編自謂為期也速惟恐搜討
有弗周裁酌偶未協來不醇不備之
譏於是將付剞劂復以屬余若猶俟
叙

二

乎更定也者嗚呼呂覽淮南之作擬
集衆見積有歲月尚以龐雜衰詭貽
誚大雅東萊索隱僅以十日閉閣就
厥大觀不速者不必工而工者不必
不速余以儒生領縣步武賢者之後
譬乎畫規隨方愧無能兩盛曾何敢於
萊峯已竟之緒妄思續貂乎惟是緇

閱之餘重違其意雖五長之弗逮竊
一得之堪抒無事更張祇加釐訂爰
名匠氏俾就厥刊而萊峯之所已成
而猶有待者今其可以流布而永傳
夫一邑之文獻所關非細余忝膺司
土得藉手以告成事共襄盛舉有厚
幸焉是為序

叙

三

乾隆二十一年歲次丙子十一月朔
日知縣事津門顧弼書



郡縣有志所以昭一方之文獻也
崢嶸近塞垣為全晉襟喉山河環
繞戶口殷繁號稱劇邑其可志者
寔多乾隆癸酉豐鎮承乏茲土簿
書鞅掌日倥偬於徵發期會之間
冗事有所可疑心有所難信欲稽
典籍規法舊章輒患無由蓋崢嶸志
叙

自明萬歷年邑令陸公曾有編輯
雖其書尚存然畧而弗詳踈而弗
覈迄今且甲子再周中間絕無紀
載昔之論者謂夏后康夷之疇周
恭和之際數十年事簡書中缺上
稽無所而諸葛孔明治蜀不立史
官故國志之作蜀事獨畧嗚呼豈

不然哉今郡縣志之不可廢其猶
夫國史也明矣官政之係民俗之
存跡有質遷事有宜適今昔所殊
互先後所程依皆惟志乎託脩舉
或共任彼陞湮歲月愈更徒太息
於徵說引覽而無據斯亦守土者
責也錕為嶧三年嘗驗其山川土

叙

二

風披圖徑繙古籍自前明至今其
間事勢移易政令弛張任官者去
來之多隸邑者良楛之異習尚變
于閭里文質遞相盛衰舉莫得而
觀也私念館縣符為政常拙無
所裨於治以及其民惟邑乘為書
要不可廢語曰勉之勛之無後於

久而一邑之文献因是得昭焉自
茲以往隨時紀錄以相繼於無窮
乃無殘缺之憾屬稿甫竟將授剞
劂會調任鳳臺不久去喁爰叙其
事於簡端以備來者採擇云

乾隆二十一年歲次丙子九月朔
知縣事山陰邵豐錕書



叙

崞縣修志姓氏

總裁

山西直隸代州知州加三級紀錄七次書

敏 號修亭滿州正白旗人壬戌科進士

纂修

崞縣知縣紀錄四次邵豐候

號泰峰浙江山陰縣人監生保舉

崞縣知

縣顧

彌

號慶慶直隸天津縣人乙卯科舉人

校修

儒學教

諭王錫九

號慕孟太原府榆次縣人庚午科舉人

儒學訓

導王嘉言

號誠齋平陽府趙城縣人歲貢

崞縣志

修志姓氏

編輯

本縣原任直隸慶雲縣知縣賈

瀛

號登洲巳卯科舉人

原任直隸無極縣知縣張維城

號宗伯癸丑科進士

廕

生李建中

號東原

舉

人栗極敬

號儼若庚午科

採訪

本縣候選縣丞張

輔

號子樞

候選州同知張天德

號秉彛

原任山東鄒縣知縣李

淳

號子厚庚子科舉人

進

士張濟世

號道周辛
末科

舉

人張

鑄

號亮工辛
酉科

監

生蘭爾灝

庠

生賀

融

庠

生賀

鍊

增

廣

生馮

適

庠

生亢俞揆

校字

本

縣

生

員亢玉敬

崞縣志

修志姓氏

二

任仙洲

亢洸

陳大鵬

張守會

繪圖

本

縣

候

選

吏

目

張大凱

脩志職事

經理

吏吏石開統 吏書張冲辰

戶吏張維新 戶書李澄源

禮吏賈勤 禮書王開藩

兵吏劉士傑 兵書張復盛

刑吏鄭元通 刑書孫世安

工吏史雲龍 工書石如嵩

招房張翼 樊青芝

戶總亢煜 張青雲

脩縣志

脩志職事

倉房間益秀 賀世宦

承庫賀聯桂 張璈

堂房王承基 張潤

鹽房賈嗣顯

更名劉漢鼎 張愛普

舖長馮方質 武大成

學書史九五

僧會普潤 道會弓陽淮

繕寫 禮書韓應廷 堂書李岫

鹽經承馮

琬

兵書馮方中

管刻

醫學劉

珍

陰陽學王時榮

崞縣志

修志職事

發凡

一 崞縣舊志作於明時至今一百三十年未加修輯茲自萬歷三十五年迄 國朝乾隆二十一年與邑紳士網羅討訂以成一書務簡而覈存爲信史

一 舊志並載寧武神池向屬縣境也今旣析置凡係彼地事蹟概不收錄

一 舊志列卷分門殊病煩瑣今分二十曰地理山川城池公署學校職官選舉封典田賦風俗壇

崞縣志

卷一

發凡

廟古蹟物產祥異事考雜志藝文宦蹟人物列女其餘堡寨橋渠寺觀塚墓之屬有當載者則各以類附焉

一 諸志首列分野舊志星度卽著見地理內不別爲門蓋一邑偏隅無俟廣引甘石家言多煩篇帙也今仍之

一 職官有前代所設業久改易裁汰其間見書傳者則載之以存古

一 徭役戶口附從田賦惟志今時現在焉若明代

賦役與今不同舊志所書間採一二以存其始使後得考而知之

一壇廟惟祀典之正則書他若鄉俗所建多不可紀概不書其寺觀惟名蹟古剎則書餘概不書一古蹟不可考者則從缺疑其里俗所傳會者概削不錄

一崞臨邊塞自漢唐至明末多經兵革故事在焉上採古昔下迄國朝順治初作事考

一藝文皆取其與縣事相比切非是不泛及舊志多載誥命墓銘則失之冗今並汰之

崞縣志

卷一

發凡

二

一諸志或以宦蹟隨職官以人物隨選舉或次第先宦蹟人物列女而取藝文終篇茲以地理等十七門爲志宦蹟人物列女三門爲傳先志後傳蓋倣史例云

一諸志名宦等皆人自爲傳茲特有專傳合傳附傳亦依史法爲之

是編於舊志存所當存逸所當逸悉皆務慎若夫人物列女重關風教尤不敢不謹也

崞縣志目錄

卷一

輿圖

地理 沿革 形勢

疆域 分野

山川 橋梁渠堰附

城池 驛舖隘口堡寨附

卷二

公署 公所宇舍倉庾附

學校 義學附

崞縣志 目錄

職官 名宦附

卷三

選舉 鄉賢附

封典

卷四

田賦

風俗

壇廟 寺觀祠宇附

古蹟

卷五

物產

祥異

事考

雜誌

卷六

藝文上

卷七

藝文下

崞縣志

目錄

卷八

宦蹟傳

人物傳

名臣
隱逸

孝友
仙釋

義行
僑寓

文學

列女傳

崞縣志卷之一

輿圖

崞縣志

卷一

輿圖

崞縣全圖

東北至蒲溝梁界

北至代州班政舖界



東南至定襄紅土橋界

南至忻州界

南


崞縣志

卷一

輿圖

西

三



崞縣志卷之一

地理

唐冀州之域 虞并州之域 夏商如唐制 周

并州之域 戰國屬趙 秦始置崞縣蓋以西南

有山狀如崞高出雲表故以為名屬鴈門郡 漢

因之後漢末廢前制 三國屬魏 晉復置崞縣

屬鴈門郡 北魏天平置繁峙郡崞山隸焉永興

二年又置石城縣隸秀容郡 東魏置廓州 北

齊改為北顯州 後周州廢 隋開皇十年改縣

崞縣志 卷一 地理

曰平寇大業初改為崞縣隸鴈門郡 唐屬代州

後析置武延縣又更名曰唐林 五代後梁改唐

林為白鹿縣 晉改白鹿為廣武並見通志 漢後為

劉崇之所據見小學史斷 周始為劉旻所據至世宗

復之 宋屬代州通考云景德三年省唐林縣以

郡為鴈門郡防禦其地三面臨邊自古號稱用武

之鄉最關要害與忻州相應援置十三砦守之靖

康後屬於金 金改崞州屬太原府 元太宗十

四年升崞州為下州屬冀寧路 明洪武二年改

州爲縣八年隸太原府代州後復改屬太原府

國朝因明制雍正二年直隸代州上沿

崞三面臨邊通志云群山四障沱水前潑原隰寬

平城壁完固南鎮九原北枕鴈門西控八口東環

大河誠三關之襟帶全晉之藩籬上形

縣東西廣二百六十里南北袤九十里東抵

五臺縣一百五十里東南抵定襄縣九十里

西抵寧武一百一十里西北抵朔州一百八十

里南抵忻州一百二十里北抵代州六十里

崞縣志 卷一 地理 二

自縣南抵太原府省城二百六十里自縣北由

鴈門至京師一千里上疆

漢天文志晉之疆候辰星占參代馬融上日食

封事參居兌位屬西方其爲分野并州是也金

志代郡入東井二十八度舊志云參井之次上分

野

崞縣志卷之一

山川

崞山 西南三十里連峯疊嶂翠色森森縣以此山名爲邑之主山上建秦將軍蒙恬廟勅封崞山大王山前三里許石上馬蹄痕土傳爲蒙恬遺蹟也

栢枝山 正西二十五里山石紋類栢枝故名秦太子扶蘇廟在焉

前高山 西南五十里俗名玉皇腦金元好問嘗崞縣志 卷一 山川 一

遊之前高觀建於其陽

黃嵬山 西南七十里俗名牛羊嶺地界寧化

正陽山 西南九十里俗名蓮峰山有古刹名玉

泉寺南界忻州

筆尖山 正南七十五里俗名雙神嶺上建石塔

南接忻州界

雙山 正南四十里上有寨今廢

紅門山 東南六十里南界定襄相傳有紅門早照之景上有藏姑藏哥廟

文筆山 東南六十里南接定襄尖銳似筆形故名
名上有文筆大王廟

善護山 東南五十五里山上下並建龍神廟

天涯山 東南四十五里峭石壁立雪下隨消前
有石鼓建石鼓神祠

蓮花山 在天涯山之麓其形分瓣宛若蓮花故名

凭牛山 東南三十里建水草大王廣禪侯廟

五峯山 東二十五里高聳排列松栢萬千蒼蔚

崞縣志

卷一 山川

二

深秀分域而生移栽而互植之則不榮亦異事也
土岡橫亘形類犀角下流滹沱似人伏枕而臥者
中峯 聖母祠泉水出神像下禱雨輒應

紫金山 東北三十五里趙武靈王廟在焉

白鶴山 東南七十五里上有顯聖靈祠

漆郎山 東南一百里南界定襄有豫讓洞漆身
來此山因以名後人立廟祀之

鳳凰山 東南一百二十里東界五臺縣有百可
作硯按察司僉事李瀛有崞硯銘

龍尖山 東六十里北接代州其石類珠色稍紫
上有池遇旱鄉人禱之取水卽雨

堯園山 東南一百里東界五臺縣建堯廟頂有
天地二池冬夏不竭

龍山 在堯園之南十里許

馬鞍山 在龍山之西前建龍公聖母廟每歲八
伏日同川八十二村輪流跳社於此

將軍山 東南八十里有韓厥廟故以名其山石
有馬蹄跡

崞縣志

卷一 山川

三

福壽山 東南一百里下有溫泉灌溉田園冬月
漚麻

白仁山 北四十里接朔州界俗名白仁崑晉遠
公焚修於此有說法臺石室定心棋枰等石又
有靈泉龍祠

廻光嶺 東南六十里相傳五臺山起五色雲至
此嶺止而復廻故以名焉

段家嶺 西一百一十餘里西界寧武縣
六盤嶺 西南一百里

太子崖 西南六十里舊傳扶蘇賜死於此故名
考史記胡亥客奉書賜太子於上郡則太子不
死此地明矣或者其曾駐軍於此故後人傳會
之歟

烈女崖 西南五十里明要聚剛二女以避亂至
此義不受辱投崖死焉後人卽以烈名其崖

滴水崖 西南六十五里有泉灌注

白馬崖 西南七十里有泉灌注

南坡 西南一百二十里松蘿森鬱蒼翠如畫

崞縣志

卷一 山川

四

滹沱河 源出繁峙縣秦戲山俗名孤山經代至

清安堡入崞境自北而南歷匙村合板橋河歷

東西李家庄共三十餘里至縣城東合南北橋

河歷孫家庄辛章至合河村合陽武河歷上封

村磨頭村亭子頭村營裡村雙山又四十里至

原平鎮正東之張家庄庫狄村歷桃園村榮花

村北郭下板市村合沙河又二十五里自界河

舖出崞境至忻口自西而東入忻州定襄界

陽武河 自太子崖發源沿溝灌溉四十餘里出

陽武峪口分渠澆灌南北兩岸二十一村地畝
民多獲利自西而東七十里至白彪村更名白
彪河又七里至合河村入於滹沱

雲中河 俗名沙河發源忻州北溝嶺 國朝順
治十年忽衝徙北流乃由唐林村入崞境自西
南而東北三十餘里至板市村入滹沱灌漑南
北懷化等村

後河 自滴水崖發源由西北而東南五十里於
關子村入雲中河灌注觀上大常崖底等村

崞縣志



卷一 山川

五

乾河 發源白馬崖自西而東三十餘里至練家
岡會雲中河以入滹沱

板橋河 發源龍泉寺由西北而東南至班政堡
十里入滹沱

蘇龍口河 源出白石村諸山經上下常樂郭家
庄至蘇龍口共十八里又三里入滹沱灌蘇龍
口孫章匙村等村

南橋河 源出下王村自西而東十里入滹沱灌
兩岸田園

北橋河 源出石寺村西自西北而東南十五里入滹沱灌石寺白村曹家庄圪塔等村

銅河 福壽山發源由西北而東南經南北河底貴茹賈庄東南北三社三十里入滹沱

三泉 西南五十里迤邐東南三十里於板市村入滹沱漢高帝駐師於此以鎗擲地者三泉水湧出以濟軍故名

龍泉 西北三十里唐魏鄭公徵於此駐師禱天以劍插地泉水湧出三軍賴之泉左有鄭公祠

崞縣志

卷一 山川

溫泉 東南九十里山福壽山下

瀑布泉 西南六十五里岩際出泉懸於石壁後河之水繞其前亦時會之

甘露泉 在崞山神廟之左歲旱民置甕池中禱之甕上露滴其味甘冽

平地泉 南五十里灌溉田園民獲其利

神龍泉 西南七十里灌溉城頭村稻田

蟾酥池 城西七里泉自地出週圍五十餘步灌

池東地畝昔產蟾酥今無之

神池 一在東南三十里廣禪侯廟前六畜病者
飲之卽愈 一在縣東南一百二十里堯園山
上遇旱禱之旋應

范公泉 縣西五里灌溉傍近園地東北一里會
北橋河入沱 國朝知縣范印心嘗遊此故名
其泉以誌召棠遺愛

橋梁渠堰附

來宣石橋 在城北門外金泰和三年游居士完
建歷代修補 國朝乾隆十六年知縣金潢糾

崞縣志

卷一 山川

七

衆募貲補築石壩

普濟石橋 在南門外金泰和三年游居士完建

歷代修補 國朝乾隆二十年雨塌七洞知縣
邵豐鏃首捐俸金糾衆補築完好教諭王錫九
撰文紀石

平定石橋 在南關內明成化間知縣吳祥建

永安石橋 在南關內明成化間知縣吳祥建

白彪車橋 縣南五里爲南北往來孔道順治十
六年大陽都張夔龍捐貲糾衆創建并施地六

十畝康熙四十三年里人張元臣李滿銀等募衆增添橋木乾隆十九年知縣邵豐鏃判得車道溝官山樹木永歸此橋以爲歷年建修之用板市車橋 縣南七十里建立已久乾隆二十年知縣邵豐鏃撥給桃園村河灘公地六十六畝八分七釐四毫爲歲修費

東橋 城東二里明崇正五年大陽都張養浩妻樊氏施橋板二十四丈椿木一十五間糾衆建立 國朝康熙三十九年知縣馬暹施給李生

崞縣志

卷一 山川

八

之漏糧地七十二畝爲歲修費嗣大陽都張尹捐銀十兩孫家庄李良珣施地五畝李之芳李毓秀各施地二畝五分又張因中捐銀三十兩二姓督建重修乾隆二十年知縣邵豐鏃倡捐俸金率衆改建車橋撥給桃園村河灘公地六十一畝五分爲每年修造之費自爲記刻石

王就板橋 縣東北七里每歲春拆秋建南北王就南坡水溝等村辦理

辛章板橋 縣東南十五里明萬歷四十四年知

縣馮杞率鄉民趙天明僧祖榮伐木成橋 國朝康熙四十年守橋人張愷蘇全募衆補修乾隆二十一年復加增廓

上封板橋 縣東南二十五里

大莫張家庄板橋 縣東南四十五里明萬歷年始建嗣後每歲增修乾隆二十年知縣邵豐鏃撥給桃園村河灘公地六十畝一分二釐五毫為歲修資

榮花板橋 縣東南六十里乾隆二十年知縣邵

醇縣志 卷一 山川 九

豐鏃撥給桃園村河灘公地九十一畝一分八釐以資歲修

陽武河官渠灌溉諸村地畝每歲從立夏日使水起以三十日半為一週各村自上而下依次輪灌週而復始限有日時程刻立碑二通一在縣治二門一在本處使水首村永垂定則

上下陽武村二日半 施家野庄村二日

大牛堡 一日八釐 上默都村一日

東頭村 一日八釐 陳家野庄村一日

下默都村一日

沙池村二日

上大林村一日半

魏家庄村一日
南大林村一日

寺街村一日半

大牛店村二日九釐

神山村一日

上下申村二日一釐

上下三吉村一日半

南申村一日

上薛孤村一日

下薛孤村六釐

趙家野庄村一日

賈陀村一日

下大林村二日

石封村一日

西會村長流漏堰水一渠

大蒲灣渠

引白村泉水溉灌稻田東流入沱

崞縣志

卷一 山川

十

白家灣渠

引來宣橋水東流

匙村渠

引蘇龍口河水西流

上封渠

引滹沱水灌溉河灘稻田

大莫張家庄渠

引滹沱水灌溉河灘稻田

亭子頭村渠

引滹沱水灌溉河灘稻田

峙峪村渠

引滹沱水灌溉河灘稻田

營裡渠

引本處泉水並沱水灌溉河灘稻田

雙嶺渠

引本處泉水與滹沱水灌溉河灘稻田

庫狄渠

引滹沱河水灌溉河灘稻田

桃園渠 引濠沱水灌溉河灘稻田

溫家東社渠 引福壽山下泉水灌溉左右村麻

地

醇縣志

卷一 山川

十一

崞縣志卷之一

城池

縣城元末察罕知院因舊州城截築明洪武八年
知縣劉伯完正統十四年知縣武桓相繼重修
萬歷二十六七年巡撫魏允貞委知縣袁應春
縣丞崔穗振武衛經歷呂子才用磚石包砌週
圍長一千一百丈高三丈六尺塼牆高六尺通
高四丈二尺厚三丈八尺敵臺三十一座四箇
城樓四座東門曰臨沱南門曰景明西門曰保
和北門曰寧遠池濬深三丈週圍築捍水堤尚
書馮琦撰文記事至三十二年霪雨東西北三
面塌毀百餘丈知縣李年耕申請鴈平道李茂
春巡撫李景元補砌完固崇正七年知縣馮夢
熊修四門城樓 國朝順治六年雨塌南北二
面四十餘丈知縣范印心重修並於南城上樹
文筆三支以利風水九年知縣楊澤重修南城
樓康熙三十七年東南隅創建奎星樓雍正七
年塌壞南面一十九丈五尺北面十丈五尺知

崞縣志

卷一

城池

一

縣劉澤民捐俸募衆補修完固

南關廂城舊附治城週圍三里餘嘉靖二十一年知縣史漁加高增厚萬歷二十九年知縣袁應春縣丞崔穗用磚石包砌增築西關城亦用磚石包砌兩關通連共長七百九十八丈高三丈敵臺一十三座東西南三面門三座舊東關久廢遺址尚存小南稍關週圍二百三十丈高二丈一尺門三座明鴈平兵備張惟誠委百戶許國用磚石包砌南面門洞石額曰古樓煩

崞縣志

卷一

城池

二

驛舖隘口堡寨附

開泥驛縣西南七十五里

原平驛縣南四十里乾隆二十年知縣邵豐鏃撥給桃園村河灘公地馬夫五十畝厰夫五十畝爲差役工費馬王廟僧一十畝七釐爲香火

總舖在本城舊察院前自縣南十里南陽舖二十里北賈舖三十里武延舖四十里原平舖五十里唐林舖達忻州界縣北十里唐昌舖二十里王董舖三十里班聶舖達代州界縣西三十里

石封舖四十里陽武舖七十里開泥舖八十里
元岡舖九十里榆灣舖達寧武界

盤道口縣西北六十里明正德十一年築夾柳樹
堡

陽武口縣西南六十五里明正德年築堡設巡檢
今裁

石佛口縣西三十里北接朔州界元末用石壘寨
明因之南通廟嶺其西北有郎嶺關明洪武七
年千戶王原築

崞縣志 卷一 城池 三

郎嶺口縣西北四十里 鴈門有東陘西陘之險

崞縣有陽武石門之險

蘆板口縣西南六十里明時傳烽崞縣由蘆板始
向設巡檢司今裁

鵬窩梁口縣北八十里

蓮花口縣北 十里明正德十一年築堡西為盤
道梁界

牛心寺口宋家溝口並縣北五十里

白九川口縣西北四十五里

廟嶺梁縣西三十里

王野梁口縣北五十五里與夾柳樹路相通明嘉靖後修內邊首及王野梁

八岔口縣北三十里明正德十一年八月提督都御史李鉞經畧關東西隘口各築堡置官守之八岔小蓮花於是創築堡焉

吊橋嶺縣北二十里明設巡檢司後改入石嶺關隸陽曲縣

石匣口縣西北四十五里

崞縣志

卷一 城池

四

平山梁口縣西北三十五里

元岡口縣西南八十里明正德中築堡

燕兒水口縣北六十里

羅漢洞口縣西南七十里

唐林岡縣南五十里南北通衢三關要道

東路堡

辛庄堡週一百二十丈高三丈明正德十一年築

魚灣堡

上封堡週三十五步高二丈

王就堡四廣十畝高五丈上建元帝廟明天啟五年築

同樂堡

崇仁堡金天會十年築明萬曆三十五年 國朝

康熙四十五年先後重修

東原堡雍正元年邑人僉都御史李徽新築

橫道堡方廣四畝高二丈六尺

白石堡明正德十年築 國朝康熙四十五年重

修

崞縣志

卷一 城池

五

天涯堡明初築今圯

南路堡

大常堡國初築今漸圯

懷化堡

真武堡

上建真武廟故名

蕎麥寨

蘆板寨堡基址僅存

平地泉堡四廣三畝高二丈

雙山堡

西庄堡

南家堡

神山堡

茹庄堡

蔡家岡堡國初築已上並就坍塌

西路堡

段家堡

南高堡

元岡堡

陽武堡

天寧堡

焦家寨

已上並就祀

北路堡

茹岳堡週七十丈高三丈

大方堡

又名天元堡

週一百四十丈高二丈始築已古

明正德十年重修

班聶堡週六十四丈高三丈

康村堡僅存基址

崞縣志

卷一 城池

六

咸陽堡

土屯寨並就坍塌

橋溝堡

原平堡高三丈長三百六十步外磚包康熙己酉

知縣稅常春重修

清安堡明萬歷十七年築磚包

國朝乾隆十八

年堡人鄒克明鄒金龍捐貲募眾創建城樓二

座

清和堡週四百三十步高二丈磚包明萬歷十七

年築

